

西平縣志卷三十八 故實志 匪劫篇

匪劫

西平匪禍已散見於歷代兵事及衛鄉義勇各篇矣茲更補其罅漏如下清咸豐九年夏四月西山寇張官率賊潛入縣城作亂知縣景瞻蒼黃出走賊入縣署大掠未幾張官被獲瞻命釘其四肢於西門外城壁上誅之同治二年鞏莊創築寨垣僱汝州襄城流民三百餘人負土佐工忽一曰土夫聚眾爲亂知縣金福楸聞變馳往調解不服命牛魁陳位中會同雲保同心寨長文永昌及遂平槐樹保團長焦瑞圖合力剿平之光緒三年大饑王和尚販賣婦女道經縣東南鄉被掠和尚恚恨潛在縣西圪塨張廟糾

西平縣志

卷三十八

故實

匪劫

一

合匪首晏大旗等數百人起事行至譚店迤西五色廟劫掠大米車數輛黃昏抵城下知有備未攻呼嘯而過夜半襲破丁家寨放火燒屋次日黎明南陽鎮標官軍突至大破之十九年西山岡上村土匪張東明據諸石山聚匪三百餘騷擾經雲保中里團總宋國典聯合民團五百人擊破之并斬匪目吳青張書起二十六年雲里范三保土匪張子功史安等十八人橫行鄉里號十八弟兄知縣左輔督飭鄉團協力緝捕張子功及其黨相繼伏誅三十二年妖人吳太山以左道惑人口稱飲血念咒能避刀槍假仁義爲名祕密集會知縣黃弼臣昏憤不加禁阻其年三月亂作匪首苗金聲自稱天王以埽清滅洋爲幟其黨于行

苗偏王成德馬龍圖張晏德劉邦榮均自稱大都督所過但索供給不掠財物當時鄰邑鄆城舞陽遂平泌陽均大震動巡撫陳夔龍檄飭總兵郭鎮邦統領田振邦合擊破之於遂平嵯岬山三十三年洪保栗樓村栗立糾匪七十餘擾害一方九月十六日栗立率匪侵入雲保大于樓村次日黎明儀封團勇至圍擊陣斬栗立其黨悉平宣統元年遂平民團長沈南金趙應昌陰遣團丁夜出搶民錢物西平雲保草樓村于莊里保栗園楊柳堂均被劫掠并詐稱官軍襲破撫保張灣寨尋經遂平知縣朱培根偵悉誘南金應昌駢誅之三年里保康莊康瑞五句結遂平匪首翟六成聚黨百餘倚山麓村落爲巢穴四出焚掠雲里范

洪儀五保被害最鉅賴各鄉團勇奮力兜剿賊遂竄入遂平境已而瑞五爲民團擊殺其冬程莊程黑收合瑞五餘孽并與杆匪萬老八李老夭合股肆虐閭閻騷然未幾程黑挾貲遠颺道經駐馬店被獲伏法萬李二股匪亦被民團擊潰民國元年春樂保侯毛頭張重聚匪八十餘人爲害鄉井尋侵入舞陽擄一英籍工程師爲質要求收撫改名侯山林張重亦得鉅款潛匿是年夏鄆城半坡朱莊巨匪朱登科糾匪百餘入境肆擾常洪里儀各保均被蹂躪同時舞陽杆匪丁萬松韓大率宋老年鄆城杆匪董馬鳴董文燦亦起二杆共千餘人七月間襲破雲保盧廟寨附近各村莊悉被殘毀三年正月朱登科因官府捕之急遁

匿縣南十二里毛家村知縣胡汝弼聞之約同陸軍陳團長廣琛石營長聿德往捕賊憑險頑抗相持一日不下最後官軍發火焚其巢登科匿於薯窖被獲處死四月丁萬松韓大率乘夜冒官軍襲合水鎮鄉紳張理卿張萬勳于憲武張印川訶知其詐誘至東河灣槍礮並發賊披靡南遁復經出山寨團總焦賡揚盧廟寨長張相臣同心寨長文玉清會同出山寨防軍管帶官彭象乾在東宋莊一帶合力圍擊殺賊百餘萬松受傷遁大率授首五月魯山巨匪白狼劉遂王振江侵入出山寨酒店經焦賡揚宋廷選率鄉團邀擊遂竄入遂平海眼村十月二十五日股匪李鴻賓崔鳳朝攻陷同心寨十二月一日股匪李治張書顯

又攻陷出山寨皆白狼黨也四年儀保丁堂村土匪陳鳳林勾引外匪五十餘盤踞西山誘近山無賴流氓得百餘人鳳林自爲杆首以楊得魁李應川爲副叫場架票無日無之五年七月陳鳳林率匪攻觀音寺寨不克遂掠附近各村男女千餘經里雲二保團總張萬勳于冠離出而截擊賊遂潰走西山六年撫保後岳莊潘宅匿匪數十人日出淫掠巨匪張拴胡彭陰助之尋經河南陸軍營長石聿德連長杜榮奎聞訊往剿聚而殲之七年至十年間陳鳳林楊得魁張西庚李應川任友林諸賊屢擾縣西南雲保各村寨焚殺甚烈十一年七月二十七日鄉紳趙麟紱偕陸軍陳旅長文釗入山搜剿直衝饅頭山團擊一晝夜斃

賊甚眾賊潰逃入泌陽龍洞山去九月流寇老洋人即張慶

李鳴盛陳青雲等率賊萬餘由西北犯境沿途焚掠人心大震縣長王崇燾堅守城池並電鄭州駐軍靳師長雲鶚乞援是夜援軍趙營長德盛至駐縣東火車站扼要布防明晨餘匪數百逗遛洪河北岸弗去趙營長開礮轟擊賊狼狽東竄由留冊橋渡河攻陷盆垚寨擄掠一空十月陳鳳林胡冠斗復聚匪千餘豫南剿匪司令李鵬舉剿而撫之十二年春二月老洋人股匪復侵入縣境經陳旅長文釗督隊禦賊於城南二十里鋪擊殺數百賊潰竄去是月盧占魁股匪又在專探寨迤東地方肆擾復經陳文釗率兵擊散四月出山寨防局長焦士傑率局勇二十名擊斃杆匪李伯喳於茅芽溝十四年十一月十三日土匪屈文明譚興元橫行師王兩保放火連燒十三村其村名如次小關莊仁和莊楊環莊劉信莊過莊仙莊杜莊牛廠范莊董莊坡周莊前張坡後張坡十五年老洋人餘黨三千餘由臨汝來犯張萬勳于冠離乘其遠來疲憊扼要防剿各民團助之于是大破賊於儀封專探馮張莊之間斬殺數百十六年正月十九日牛繩武率杆匪三千由鄆城入寇師靈寨油房張寨均被踐踏幸合水鎮預防嚴密賊遂南竄入泌陽境二月初七日西北杆匪千餘突至油房張寨駐軍應之以故寨內居民悉數被掠張萬勳亟調各寨團丁由合水往剿遇賊於栗樓王樓大路張村鏖戰六小時

薄暮匪遁去

按此杆匪均係已就撫之匪軍與舞陽駐軍旅長路光宇通聲氣掠財朋分

是月

十五日杆匪戴政王汰等糾賊數千由舞陽吳城鎮竄入張萬勳復率民團禦之於洪保許莊戰數合斃賊十餘而團勇張中孚張宗全亦死焉張萬勳遂退保合水密約于冠離張君棟沿洪河要塞設伏而自將大隊截其歸路賊不敢南犯三月九日臨汝賊高廣智率匪二千餘入境與戴政王汰合股攻陷王寨師靈寨踞爲壘復潛由楊集渡河進逼儀封張萬勳趙山銘伏兵於大王莊出而邀擊賊懼而東竄攻破李灣專探兩寨未幾汝陽道尹于廷鑑來援賊遂於三月二十五日向淮蔡遁去

是役也計羣賊盤踞西平境四十日

語詳歷代兵事篇中嗣張萬勳以流寇過多非集合羣力

西平縣志

卷三十八

故實

匪劫

五

難資抵禦于是會商于廷鑑于金鑑于碩彥諸君聯絡本縣及遂平泌陽舞陽三縣民團設四縣聯防總辦事處於合水鎮七月王汰率匪千餘由葉縣進據吳城鎮是月十三日聯防團丁禦賊於大路張莊栗樓王樓等處戰線東起師靈寨西至洪村鋪延袤三十餘里張萬勳居中指揮而葛兆祥張子榮張照魯張益齋張君棟萬金榮等則左右夾擊殺賊二十餘獲槍五十餘枝馬八匹匪勢不支夜遁八月十六日王汰復糾合杆匪李老末蕭桂女二股約共三千人來犯聯防辦事處探悉後卽在王寨師靈寨油房張寨呂店洪村鋪安寨一帶設伏置卡賊至吳城不知民團有備分路南侵張萬勳于金鑑等卽督率伏兵齊出

衝擊賊大驚潰竄入郟城境十八年正月初七日王汰范  
老九率匪軍時王汰已就撫號稱旅長數千由上蔡侵入儀保大王莊  
里保茨園呂莊雲保田口冶鑪城同心寨均被燒掠初八  
日賊由雲保韓堂常樓西竄入舞陽尹集王店十一日經  
官軍圍剿賊大潰散